

**Ohén:ton Iehón:nete ne Rotiio'té:nion, Ákte Nithoné:non
Thonatkotáhkwen, Ronwatirihonnién:ni tánon Enhonnón:ni ne
Kaio'ténhsera (Ministry of Labour, Immigration, Training and Skills
Development)**

Saianerenhserá:ien tsi Nonkwá:ti ne Employment Protection for Foreign Nationals Act, 2009

Iah tehotirí:wa: Kí nahò:ten kahiatón:nion né:ne aiakoié:nawa'se ne rotiio'té:nion tánon ne ronténhna's ahotí'nikonhraién:ta'ne ohstón:'a ne raotianerenhsera tánon nahò:ten ronaterihwaién:ni rotirihwí:son ne *Employment Protection for Foreign Nationals Act, 2009* (EPFNA) tánon ne otiá'ke tsi nikaianerenhseró:ten. Iah kí:kaianerenhsera téken tsi iakoten'nikonhrá:wis. Iah ne tekahsaáhton ne taionaktáhkwen ne EPFNA tóka ní' ne tsi nikaianerenhseró:ten wentá:on kí' ne eniéhsere ne thonnónhtons nahò:ten rotihíá:ton tsi nikaianerenhseró:ten. Ronhátien tsi eniakwaté'nién:ten orihwí:io aiatión:ni ki tsi nahò:ten kahiatón:nion tsi né:ne orí:wase tánon tkaié:ri enwá:ton kí' sewatié:rens iah thaontakaié:ri'ne. Ne EPFNA niiorihwá:'a tsi ní:ioht tsi tewatká:was. Otiá'ke ne rotiió'te sénha í:si' nón:we nihotianerenhserá:ien tsi ní:ioht tsi ronataweiá:ton, ne rotiió'te raotinén:ra (union), tsi nikaianerenhseró:ten tóka ní' thonnónhtons rotianerenhserí:son.

Ne [Employment Protection for Foreign Nationals Act, 2009](#) (EPFNA) kaianerenhsera í:ken ensahró:ri nahò:ten rotianerenhserá:ien tánon tiakóhnhes ne ákte' nithonénon rotiió'te tóka ní' ratihna'tsheri:saks ahotiió'ten ne Ontario ne ákte' nithoné:non ken'nikarihwésha raténhna's rohtentiá:ton, tsi ní:ioht ne kakoráhsera iohtentiá:ton Temporary Foreign Worker Program. Ne í:si nón:we naesatókenhse iaháse ne Ontario.ca/EPFNA.

Kí kahiatónhsera kahiatón:nion nahò:ten saianerenhserá:ien tsi nonkwá:ti ne EPFNA. Tóka' iah Tiorhénsha tesahronkhátshera, ne ratenenhrón:ni tóka ní' ne enhianha'ne enthátka'we ne saronkhátshera tsi kahiá:ton, tóka rotí:ien ne Ohén:ton Iehón:nete ne Rotiio'té:nion, Ákte Nithoné:non Thonatkotáhkwen, Ronwatirihonnién:ni tánon Enhonnón:ni ne Kaio'ténhsera (Ministry of Labour, Immigration, Training and Skills Development).

Ne ákte nitisé:non Ontario saió'te ne iotkáte saianerenhserá:ien ne [Employment Standards Act, 2000](#) (ESA) aoianerenhsera. Ne ESA ne kwah ken'nikón:'a ratiká:ria'ks tsi nonwéshon

kaio'tenhserá:ien ne Ontario, tho í:kare ne karon niwatká:ria'ks tánon kwató:ken khok tsi nenkahwistá:e'ke enwá:ton ensaió'ten. Ne iáhnha's wentá:on enthion kahiatónhsera wathró:ris nahò:ten saianerenhserá:wis ne ESA.

Ne ratenenhrón:ni iah thaón:ton thénon ahiana'tónhkwen

Ne ratenenhrón:ni né:ne ónhka enhate'nién:ten ahiao'tenhseratshénria'se ne Ontario. Ne ratenenhrón:ni tóka nón:wa enhiahró:ri ónhka tóka ní' raónha ónhka'k enshakohshnié:non aieio'tenhseratshén:ri ne Ontario. Ne sonkwè:ta ratenenhró:ni tóka ní' ónhka'k skátne rotiió'te iah thaón:ton thénon ahiana'tónhkwen ne thénon ensaió'ten, ioiá:nere tóka ní' ahsatsennón:nia'te í:se aiesátatshe, tsi nón:wa ní:ioht ne Labour Market Assessment, aiesana'tonnionhá:se, ahatináhne ieio'tenhserisáktha kahiatónhsera, ahsatateweienénta'ne tahsthá:ren tóka ní' aiesarihón:nien asheie:nawa'se ónhka iakononhwáktani.

Ne raténhnhá's iah thaón:ton iaonsahá:ko ne ohwísta tsi taesáhnha'ne (iah kí' akwé:kon téken)

Ne iotká:te ne iáhnha's iah thaón:ton ahiana'tónhkwen thénon iokariá:kon tsi waesáhnha'ne tsi nón:wa ní:ioht ne Labour Market Assessment, aiesana'tonnión:hase, aiesarihón:nien tóka ní' ne thénon ronwakariá'kse ne ratenenhrón:ni. Iah ní' thaón:ton tsi ensatkaria'kse aontahatirá:ko. Nek tsi tóka' kakoráhsera sáhnha's ne kwató:ken tsi nikahá:wi ne ieienthótha Seasonal Agricultural Worker Program (SAWP) ne iáhnha's enwá:ton enthará:ko ne tekaténhsne aoká:ra tánon ne rotiió'te raotihiatónhsera tóka' ne SAWP iakóhnha's e'tho ní:ioht tsi kahiá:ton.

Ne raténhnhá's iah thaón:ton taontahón:ion ne ratenenhrón:ni ronwakariá'kse tóka ní' óia ronwanaktahseronnién:ni ne ákte nithawé:non ohontsakwé:kon ne ratenenhrón:ni raorihwá:ke.

Ne ratenenhrón:ni tóka ní' iáhnha's iah thaónton iahá:hawe nahò:ten í:se' sáwen

Ne ratenenhrón:ni, iáhnha's, tóka ní' ronwatio'ténhse iah thaón:ton aiesákhwa, ahatiié:na nahò:ten ne í:se' sáwen. E'tho í:kare ne kahiatónhsera teieristiiá'ktha tóka ní' aón:ton aiakoió'ten kahiatónhsera.

Iah thaón:ton ahserihwanón:we'ne nahsátka'we nahò:ten saianerenhserá:ien

You cannot agree or sign a contract to give up any of your rights under the EPFNA. Kí kahiá:ton tsi karihwanonhwé:on' iah orihwí:io té:ken. Tsi nón:wa ní:ioht ne, tóka'

ensatshén:naren ahtsherí:hon ne ratenenhrón:ni ahiakarotáhshien, iah tekáhstha ki kahiatónhsera.

Iah thaón:ton ahsathré:wahte ne ahséri'wanón:ton nahò:ten saianerenhserá:ien

Tóka' enhserí'wanón:ton nahò:ten saianerenhserá:ien tóka ní' éhshatste nahò:ten saianerenhserá:ien tsi nonkwá:ti ne EPFNA tóka ní' ESA, ne ratenenhrón:ni tóka ní' iesáhnha's aiesahré:wahte ne kwah tsik nitiotierá:ton ne shá:ka ne tóka' aonsaiesahnhá:si.

Tóka' thénon í:hsehre aesató:kenhse tóka ní' í:hsehre thénon saianerenhserá:ien ahséri'wanón:ton

Tóka' í:hsehre í:si' nón:we naesató:kenhse ne EPFNA aorihwá:ke aesathontá:ton iahá:se ne Ontario.ca/EPFNA.

Tóka thénon í:hsehre aesató:kenhse ne EPFNA enwá:ton ienhsatewenná:ta ne Employment Standards Information Centre ne (416) 326-7160, iah thaská:ria'ke ne 1-800-531-5551 tóka ní' TTY 1-866-567-8893. Nia'tewahronkha'tsherá:ke ká:ien enhontá:ti.

Tóka sanonhtón:nions iah tetiesá:wi nahò:ten saianerenhserá:ien tsi nonkwá:ti ne EPFNA, enwá:ton kí' enshiá:ton tsi entsherí'wanón:tonse ne Ohén:ton Iehón:nete ne Rotiio'té:nion, Ákte Nithoné:non Thonatkontáhkwen, Ronwatirihonnién:ni tánon Enhonón:ni ne Kaio'ténhsera (Ministry of Labour, Immigration, Training and Skills Development) ne Ontario.ca/EPFNA.

Ahsen sha'tsewahsén:non niiohserá:ke sanáktote tóke thénon saianerenhserá:ien taontaié:son ne EPFNA.